



AKCIJA CD RAZBIJENA MEĐUNAROC DNA BANDA PRISILJAVALI ŽENE I DJECU NA DŽE PARENJE!

Ognjen Matavulj
Zenica

SIPA i francuska policija uhapsile su juče 15 lica osumnjičenih za trgovinu ljudima i organizovanje međunarodnog lanca džeparaša, sastavljenog od žena i djece iz BiH, koje su držali kao robove i fizičkim zlostavljanjem ih prisiljavali na prosjačenje po Francuskoj, čime su stekli imovinsku korist više od dva miliona evra!

O kakvim je zlotvorima riječ najbolje svjedoči činjenica da je SIPA u kući u Gorazdanskoj ulici u Zenici zatekla veliki broj djece, nepoznatog identiteta i staratelja, koja su u koordinaciji sa Centrom za socijalni rad zbrinuta kao potencijalne žrtve trgovine ljudima. Kuća je vlasništvo Elvise Salčinovića koji je uhapšen i na teret mu se stavlja da je bio jedan od vođa ove kriminalne grupe. Osim njega, kako saznaje Press, uhapšena su i četiri člana zloglasnog romskog klana Hamidović, a među njima i Toni i Dino Hamidović, dok je u Prijedoru "pao" Nedeljko Dakić zvan Bača.

Portparolka SIPA Kristina Jozić kaže da je akcija CD sprovedena po nalogu Tužilaštva BiH, a rezultat je rada zajedničkog istražnog tima policije i tužilaštva BiH i Francuske.

Pretrasi

- Pretreseno je devet lokacija u Zenici, Vlasenici, Prije-

doru i Jajcu i uhapšeni su E. S, D. H, T. H, L. H, N. D, B. T. i E. H. zbog sumnje da su počinili krivično djelo organizovani kriminal i trgovina ljudima u svrhu radne eksploatacije. Sumnjiče ih da su od 2012. vrbovali više ženskih osoba sa kojima su stupali u vanbračne zajednice, a onda su organizovali njihove odlaske u Francusku. Putem ucjena, prijetnji, zastrašivanja, zlostavljanja i drugih vidova fizičkog i psihičkog nasilja potom su ih primoravali da po Francuskoj i šire džepare te im dostavljaju ukradeni novac - rekla je Jozićeva, navodeći da je u Francuskoj uhapšeno osam osumnjičenih.

U pojedinim slučajevima žrtve osumnjičenih bila su djeca, zbog čega cijeli slučaj neodoljivo podsjeća na radnju i likove iz romana "Oliver Twist" Čarlsa Dikensa.

- Žrtve su bile pod stalnom kontrolom, izložene svakodnevnom fizičkom i psihičkim maltretiranju od počinitelaca krivičnih djela, kako bi pribavile što veću količinu novca. Procjenjuje se da su osumnjičeni stekli imovinsku korist više od dva miliona evra. Tako zarađen novac trošili su na luksuzan način života i ubacivali ga u legalne privredne tokove kupujući ne-

Robovi SIPA u kući Elvise Salčinovića u Zenici zatekla veliki broj djece nepoznatog identiteta i staratelja, koja su zbrinuta kao

Page: 10

Reach: 0

Country: BOSNIA AND HERZEGOVINA

Size: 529 cm2

2 / 2

potencijalne žrtve trgovine ljudima. Salčinović je uhapšen i na teret mu se stavlja da je bio jedan od vođa kriminalne grupe

2

miliona evra zaradili na račun žrtava



USPJEŠNA AKCIJA Privođenje osumnjičenih



RASKOŠNA VILA SALČINOVIĆA
Podsjeća na Diznilend

kretnine i luksuzna vozila u BiH. Grupu sumnjiče i za pra-

nje novca, falsifikovanje isprava, krijumčarenje ljudi, kao i zloupotrebe narkotika - istakla je Jožičeva.

Nezvanično saznajemo da su u okviru akcije od Elvisa Salčinovića privremeno oduzeta dva skupocjena vozila, motocikl, pištolj i manja količina municije. Inače, tro-spratnu vilu, u kojoj je zatečen veći broj romske djece, Salčinović je kupio prije dvije godine nakon što je njegova porodica zbog kriminala protjerana iz Italije. Od tada na području Zenice kupili su i sagradili više stambenih i poslovnih objekata. Sam izgled vile najbolje svjedoči o kakvom se raskošu radilo, kao i ulazna kapija na koju je postavljen grb sa dva zmaja koji drže slovo "H", iznad kojeg stoji natpis "Elvis".

Klan Hamidović


I francusko pravosuđe bavilo se klanom Hamidović. U maju 2013. Fehim Hamidović osuđen je na sedam godina zatvora zbog prisiljavanja maloljetnica na džeparenje po pariskom metrou, dok je još 19 članova klana osuđeno na kazne od jedne do pet godina zatvora. U presudi se pominjalo i da je grupa odgovorna za 75 odsto džeparenja u Parizu, čime su zaradili više od pet miliona evra. Na suđenju su svjedočile i dvije djevojčice od 11 i 14 godina koje su tvrdile da su Fehimu dnevno morale da donesu najmanje 300 evra ili su u protivnom bile silovane i premlaćivane, a po koži su imale i ožiljke od gašenja cigareta. Zanimljivo je da se Fehim na tom suđenju predstavljao kao "dobri djedica" tvrdeći da je zapravo bio žrtva zavjere drugog klana iz BiH i izvjesnog Elvisa.

- Ovdje se spominje 500 žena i djece. Optužuju me, a ja u ovoj aferi nemam ništa s njima. Ja ih čak i ne poznajem. Romi kažu da ih je slao Elvis - rekao je tokom suđenja Fehim Hamidović.

Zajednički istražni tim

Tužilaštvo BiH saopštilo je juče da je akcija CD rezultat rada prvog zajedničkog istražnog tima BiH i Francuske. Tim je sačinjen od oko 20 istražilaca iz SIPA i Odjeljenja za maloljetnike Polici-

ske uprave Pariz, koji su više mjeseci sprovodili zajedničke istražne radnje na području obje države. Za potrebe istrage u Parizu se nalazi i oficir za vezu SIPA, koji koordiniše rad istražilaca. Cijelu akciju podržala je i Evropska asocijacija tužilaca EUROJUST.



zenticablog